

1393

P O L E M I C I.

1394

terire aureum *Boethii* effatum, quod mox sub initium *Bradwardinus* excitat: *Quisquis scientias Mathematicales pretermiserit, constat omnis Pbylosophie perdidisse doctrinam.*

VII. fol. 243. iterum in membrana calamo Sec. XIV. *Meditationes beati Bernardi.* Initium: *Multi multa sciunt et seipsos nesciunt &c.* Integrae sunt et leguntur in Edit. *suprac.* p. 423. A nobis etiam indicatae *Codd.* pluribus. Exemplar praesens nihilo perfectius supra adductis *Bernardi* aliis.

VIII. fol. 258. manu Sec. XV. in charta *Incipiunt Sermones de quatuor instinctibus. diuino. angelico. dyabolico et humano.* Initium: *Semen cecidit in terram bonam &c. Hoc uerbum propositum exponitur per christum de semine uerbi &c.* Tractatus hic ad *Henr. de Vri-maria* Augustiniani Instituti pertinet, ut jam ad *Codd.* XC. et plures alios observatum est.

CCCLXI.

19 Codex membraneus gall. Sec. XV. Folior. 406. fol. max. elegantia manu scriptus, literis initialibus auro, et coloribus illustratis. Continetur eo Traductio gallica seu Burgundica vasti Operis, quod *Fortalitium Fidei*, hic *Fortresse de la Foy* inscribitur. Interpres, cujus nomen in nostro Exemplari desideratur, ex *Cod. Bibl. Bernensis*, in quo tamen non nisi IV. et V. Liber Operis habetur, innotescit; ita enim ibi

ad calcem legitur: *Le present Volume a este translaté de latin en françois par Pierre Richart, dit l'oiselet, Prestre et Curé de marques.* Traductionem nostram eandem esse cum Bernensi, et cum ea, quam possedit Dux *Valterius* Parisiis, docuit collatio. Confer *Catal. Codd. Biblioth. Bernens.* Bernae 1760. p. 68. et *Catalogue des Livres de la Bibl. de feu M. le Duc de la Valliere.* Paris. 1783. P. I. p. 266. ubi et leges, quae de Autore *Fortalitii*, non *Guilelmo Totano* aut *Thoma Patriarcha Barbariensi*, aut *Bartholomaeo*, sed *Alphonso de Spina* traduntur. Adde *Clement Biblioth. cur. hist. et crit. T. VIII. Leips.* 1759. p. 316. Primus, qui viri hujus a Judaismo ad Sacra christiana conversi nomen retexit, *Jo. Mariana* fuit; ita enim, dum in *edit. bisp. Historiae suae* supplicium *Alvari de Luna* persequitur, L. XXII. c. 13. narrat: *Acompanò a don Alvaro por el camino, y basta el lugar, en que le justiciaron, Alfonso de Espina, frayle de S. Francisco, a quel que compuso un libro llamado Fortalitium fidei, magnifico titulo, bien que poco elegante, la obra erudita y excelente por el conocimiento, que da y muestra de las cosas diuinas, y de la Escritura sagrada.* Et brevius in *edit. lat. l. cit. Alfonsus Spina monachus Franciscanus morienti affuit; is, qui fortalitium fidei edidit, splendido titulo, voce barbara, eruditum opus et diuinarum rerum cognitione praestanti.*

1395

C O D I C E S

1396

stanti. Divisum est porro in V. Libros, quorum oeconomiam verbis Interpretis nostri damus: *Le premier liure sera de la vraye armeure des cheualliers de dieu et de lexcclence de la sainte foy catholicque. Le second sera de la bataille des faulz cristiens et hereticques contre icelle forteresse de la foy et aussy de leur subtile deception. Le tiers sera de la bataille des iuyfz contre icelle. de leurs enormes crudelitez et obstinez malices. Le quart sera de la bataille des sarrazins contre icelle et de labbomination et ordure de leur loy. Et le. V^e. sera de la bataille des dyables contre icelle et de la perdition de leur seignourie et de leur misere.* Atque his argumentis adcommo- data librum quemvis pictura insignis praecurrit. In fronte Operis comparet *Tabula Capitem*. Hanc excipit Interpretis *Prologus*, in quo ait, se duas maxime ob causas ad hoc Opus vertendum animum adpulisse, ut nimirum verae fidei religionisque notitia etiam in vulgus augetur, utque principibus et nobilibus viris, qui vernacula lingua magis delectantur, hujus libri lectio jucundior redderetur. Sequitur *Prologus* Autoris, quem Noster sic reddere incipit: *Turris fortitudinis a facie inimici. Ces parolles sont escriptes en la psalme. lxx^e. de dauid et signifient en francois Tour forte et de grande deffense pour resister a lennemy &c.* An Versio haec typis edita unquam fuerit, dicere non habeo. Opus

vero ipsum ob ea, quae ad Res Hebraeorum, Arabumque sup- peditat, utilitatis non contem- nendae lingua latina, qua primi- tus scriptum fuit, mox ab inven- ta arte typographica prelum oc- cupavit. Itaque praeter geminam Editionem *f. l. et a. in fol.* ad- modum vetustam censentur Ko- burgerianae 1485. *f.* 1494. 4. et alia *f. l.* 1487. 4. De tardio- ribus confule *Clement Bibl. cur. bist. et crit.* loco cit.

Exemplar nostrum ex Aula Burgundica Maximiliani I. Tem- pore in Austriacam demigrasse suadent, cum Crux decussata, quam *S. Andreae* appellamus, in imagine *Libro IV.* praefixa con- spicua, tum Theca Codicis ex- terior liliis, iisque instrumentis igniariis, e quibus articuli tor- quis aurei Velleris constant, per- spersa.

CCCLXII.

Codex confarcinatus e nullius. 429
momenti Tractatiunculis et Ex-
cerptis, Seculoque XV. pessime
conscribillatus recenseri non me-
retur. 4.

CCCLXIII.

Codex membraneus lat. Sec. 430
XIV. Folior. 83. 4. nitide per-
scriptus, rubricisque enotatus
continet *Petri Alphonsi* Hebraei,
sed, ut ipse in *Prooemio* narrat,
Oscae in *Hispania* an. 1106. spon-
sore *Alphonso VI. Castellae* et
Legionis Rege in Festo *Petri* et
Pauli